



白氏長慶集卷之十

朱陳村



徐州古豐縣有村曰朱陳去縣百餘里桑  
 麻青氛氲機梭聲札七牛驢走紘七女汲  
 澗中水男採山上薪縣遠官事少山深人  
 俗淳有財不行商有丁不入軍家七守村  
 業頭白不出門生為陳村民死為陳村塵  
 田中老與幼相見何欣七一村唯兩姓世  
 世為婚姻親踈居有族少長游有羣黃雞  
 與白酒歡會不隔旬生者不遠別嫁娶先  
 近隣死者不遠葬墳墓多遶村既安生與  
 死不苦形與神所以多壽考往七見玄孫  
 我生禮義鄉少小孤且貧徒學辯是非抵  
 自取辛勤世法貴各教士人重官婚以此  
 自桎梏信為大謬人十歲解讀書十五能  
 屬文二十舉秀才三十為諫臣下有妻子

累上有君親恩承家與事國望此不肖身  
憶昨旅遊初迨今十五春孤舟三適楚羸  
馬四經秦畫行有飢色夜寢无安魂東西  
不暫住來往若浮雲離亂失故鄉骨肉多  
散分江南與江北各有平生親平生終日  
別逝者隔年聞朝憂卧至暮夕哭坐達晨  
悲火燒心曲愁霜侵髮根一生苦如此常  
羨陳村民

讀鄧魴詩

塵架多文集偶取一卷披未及看姓名疑  
是陶潛詩看名知是君惻上令我悲詩人  
多蹇厄近日誠有之京兆杜子美猶得一  
拾遺襄陽孟浩然亦聞鬢成絲嗟君兩不  
如三十在布衣擢第祿不及新婚妻未歸  
少年無疾患溘死於路岐天不與爵壽唯  
與好文詞此理勿復道巧曆不能推

寄元九

晨雞纔發聲夕雀俄斂翼晝夜往復來疾  
如出入息非徒改年貌漸覺無心力自念  
因念君俱為老所迫君年雖校少顛顛謫  
南國三年不放歸炎瘴銷顏色山无殺草  
雪水有含沙蜮健否遠不知書多隔年得  
願君少愁苦我亦加食食各保金石軀以  
慰長相憶

秋夕

葉聲落如雨月色白似霜夜深方獨卧誰  
為拂塵床

夜雨

我有所念人隔在遠上鄉我有所感事結  
在深上腸鄉遠去不得無日不瞻望腸深  
解不得死夕不思量况此殘燈夜獨宿在  
空堂秋天殊未曉風雨正蒼上學頭陀



法前心安可忘

秋霽

金火不相待炎涼雨中變  
林晴有殘蟬巢冷無留燕  
沉吟卷長簾惻愴收團扇  
向夕稍無泥閑步青苔院  
月出砧杵動家上擣秋  
練獨對多病妻不能理  
針線冬衣殊未製夏服  
行將綻何以迎早秋一  
盃聊自勸

歎老三首

晨興照清鏡形影兩寂寞  
少年辭我去白髮隨梳落  
萬化成於漸上衰看不覺  
但恐鏡中顏今朝老於  
昨人年以滿百不得長  
歡樂誰會天地心千齡  
與龜鶴吾聞善醫者今  
古稱扁鵲萬病皆可治  
唯無治老藥

我有一握髮梳理何稠直  
昔似玄雲光今如素絲色  
匣中有舊鏡欲照先歎  
息自從

頭白來不欲明磨拭鴟頭  
與鶴頸至老長如墨獨  
有人髮毛不得終身黑  
前年種桃核今歲成花樹  
去歲新嬰兒今年已學步  
但驚物成長不覺身衰暮  
去矣欲何如少年留不住  
因書今日意徧寄諸親  
故壯歲不歡娛長年當悔  
悟

送兄弟迴雪夜

日晦雲氣黃東北風切  
七時從村南還新與兄弟  
別離襟淚猶濕迴馬嘶未  
歇欲歸一室坐天陰多无  
月夜長火消盡歲暮雨  
凝結寂寞滿爐灰飄零上  
塔雪對雪畫寒灰殘燈明  
復滅灰死如我心雪白如  
我髮所遇皆如此頃刻堪  
愁絕迴念入坐忘轉憂作  
禪悅平生洗心法正為今  
宵設

溪中早春

南山雪未盡陰嶺留殘白  
西澗冰已銷春



溜含新碧東風來幾日蟄動萌草拆替知  
陽和功一日不虛擲愛此天氣暖來拂溪  
邊石一坐欲忘歸暮禽聲噴上蓬蒿隔桑  
棗隱映烟火夕歸來問夜食家人烹薺麥

聞有澗底花莫得村中酒與君來校遲已  
逢搖落後臨觴有遺良悵望空溪口記取  
花發時期君重攜手我生日上老春色年  
年有且作來歲期不知身健否

登村東古塚

高低古時塚上有牛羊道獨立最高頭悠  
哉此懷抱迴頭向村望但見荒田草村人  
不愛花多種栗與棗自來此村住不覺風  
光好花少鶯亦稀年上春暗老

五年生死隔一夕魂夢通夢中如往日同

夢裴相公

直金鑾宮鬢金紫色分明從玉容勤  
相眷意亦與平生同既寤知是夢憫然情  
未終追想當時事何殊昨夜中自我學心  
法萬緣成一空今朝為君子流涕一沾胃

晝寢

坐整白單衣起穿黃草履朝飧盥漱畢徐  
下堦前步暑風微變候晝刻漸加數院靜  
地陰上鳥鳴新葉樹獨行還獨卧夏景殊  
未暮不作午時眠日長安可度

別行簡

漠上病眼花星上愁髮雪筋骸已衰憊形  
影仍分訣梓州二千里劍門五六月豈是  
遠行時火雲燒棧熱向言巾上淚乃是腸  
中血念此早歸來莫作經年別

觀兒戲

齠齠七八歲綺紈三四兒弄塵復闔草盡

日樂嬉上堂上長年客鬢間新有絲一看  
竹馬戲每憶童駿時童駿饒戲樂老大多  
憂悲靜念彼與此不知誰是癡  
歎常生

西村常氏子卧疾不須吏前旬猶訪我今  
日忽云殂時我病多暇與之同野居園林  
青藜上相去數里餘村鄰無好客所遇唯  
農夫之子何如者性還猶勝無於今亦已  
矣可爲一長吁

寄元九

一病經四年親朋書信斷窮通合易交自  
笑知何晚元君在荆楚去日唯云遠彼獨  
是向人心如石不轉憂我貧病身書來唯  
勸勉上言少愁苦下道加飧飯憐君爲謫  
吏窮薄家貧福三寄衣食資數盈二十萬  
豈是貪衣食感君心繾綣念我口中食分

君身上暖不因身病久不因命多蹇平生  
親友心豈得知深淺

以鏡贈別

人言似明月我道勝明月明月非不明一  
年十二缺豈如玉匣裏如水長澄澈月破  
天暗時圓明獨不歇我慙貌醜老繞鬢班  
班雪不如贈少年迴照青絲髮因君千里  
去持此將爲別

城上對月期友人不至

古人惜晝短勸令秉燭遊况此迢上夜明  
月滿西樓復有盈樽酒置在城上頭期君  
君不至人月兩悠悠上照水烟波白照人肌  
髮秋清光正如此不醉即須愁

念金鑿子二首

衰病四十身嬌癡三歲女非男猶勝死慰  
情時一撫一朝捨我去魂影無處所况念



天化時嘔啞初學語始知骨肉愛乃是憂  
悲聚唯思未有前以理遣傷苦忘懷日已  
久三度移寒暑今日一傷心因逢舊乳母  
又

與爾為父子八十有六旬忽然又不見邈  
來三四春形質本非實氣聚偶成身恩愛  
元是妄緣合暫為親今茲庶有悟聊用遣  
悲辛慙將理自奪不是忘情人

對酒

人生一百歲通計三萬日何況百歲人  
間百無一賢愚共零落貴賤同埋沒東岱  
前後魂比邱新舊骨復聞藥誤者為愛延  
年術又有憂死者為貪政事筆藥誤不得  
老憂死非因疾誰人為言最靈知得不知失  
何如會親友飲此杯中物能沃煩慮銷能  
陶真性出所以劉阮輩終年醉兀兀

渭村雨歸

渭水寒漸落離<sub>七</sub>蒲稗苗閑傍沙邊立看  
人刈葦苕近水風景冷晴明猶寂寥復茲  
夕陰起野思重蕭條蕭條獨歸路暮雨濕  
村橋

諭懷

黑頭日已白<sub>七</sub>面日已黑人生未死間變  
化何終極常言在已者莫若形與色一朝  
改變來止遏不能得况彼身外事悠<sub>七</sub>通  
與塞

喜友至留宿

村中少賓客柴門多不開忽聞車馬至云  
是故人來况值風雨夕愁心正悠哉願君  
且同宿盡此手中杯人生開口笑百年都  
幾迴

西原晚望



花菊引閑行，上上西原路。原上晚無人，因  
高聊四顧。南所無烟火，北陌連墟墓。村鄰  
何蕭疎，近者猶百步。吾廬在其下，寂寞風  
日暮。門外轉枯蓬，籬根伏寒兔。故園泝水  
上，離亂不堪去。近歲始移家，飄然此村住。  
新屋五六間，古槐八九樹。便是衰病身，此  
生終老處。

感鏡

美人與我別，留鏡在匣中。自從花顏去，秋  
水無芙蓉。經年不開匣，紅埃覆青銅。今朝  
一拂拭，自照顛顛容。照罷重惆悵，背有雙  
盤龍。

村居卧病三首

戚七抱羸病，悠七度朝暮。夏木纔結陰，秋  
蘭已含露。前日巢中卵，化作鷓鴣去。昨日  
穴中蟲，蛻為蟬。上樹四時未常歇，一物不

暫住唯有病客心沉然獨如故

秋久病客起，步村南道。盡日不逢人，蟲  
聲徧荒草。西風吹白露，野綠秋仍早。草木  
猶未傷，先傷我懷抱。朱顏與玄髮，強健幾  
時好。况為憂病侵，不得依年老。  
種黍三十畝，雨來苗漸大。種韭二十畦，秋  
來欲堪刈。望黍作冬酒，留韭為春菜。荒村  
百物無待此，養衰瘵。葺廬備陰雨，補褐防  
寒歲。病身知幾時，且作明年計。

沐浴

經年不沐浴，塵垢滿肌膚。今朝一澡濯，衰  
瘦頗有餘。老色頭髮白，病形肢體虛。衣寬  
有積帶，髮少不勝梳。自問今年幾，春秋四十  
初。四十年已如此，七十復何如。

栽松二首

小松未盈尺，心愛手自移。蒼然澗底色，雲

濕烟霏上栽植我年晚長成君性遲如何  
過四十種此數寸枝得見成陰否人生七  
十稀  
愛君抱晚節憐君含直文欲得朝上見皆  
前故種君知君死則已不死會凌雲

病中友人相訪

卧以不記日南窓昏復昏蕭條草簷下寒  
雀朝夕聞強扶床前杖起向庭中行偶逢  
故人至便當一逢迎移榻就斜日披裘倚  
前楹閑談勝服藥稍覺有心情

自覺二首

四十未為老憂傷早衰惡前歲二毛生今  
年一齒落形骸日損耗心事同蕭索夜寢  
與朝飡其間味亦薄同歲崔舍人容光方  
灼七始知年與貌衰盛隨憂樂畏老七轉  
迫憂病七彌縛不畏復不憂是除老病藥

又

朝哭心所愛暮哭心所親七愛零落盡安  
用身獨存幾許平生歡無限骨肉恩結為  
腸間痛聚作鼻頭辛悲來四肢緩泣盡雙  
眸昏所以年四十七心為止水視身如浮雲  
教中有解脫門置心為止水視身如浮雲  
抖擻垢穢衣度脫生死輪胡為戀此苦不  
去猶逡巡迴念發弘願七此見在身但受  
過去報不結將來因誓以智慧水求洗煩  
惱塵不將恩愛子更種憂悲根

雨夜有念

以道治心氣終歲得晏然何乃戚七意忽  
來風雨天既非慕榮顯又不恤飢寒胡為  
悄不樂抱膝殘燈前形影暗相問心默對  
以言骨肉能幾人各在天一端吾兄寄宿  
州吾弟客東川南北五千里我身在中間



欲去病未能欲住心不安有如波上舟此  
縛而彼牽自我向道來於今六七年練成  
不二性銷盡千萬緣唯有恩愛火往七猶  
熬煎豈是藥死效病多難盡蠲

寄楊六

青宮官冷靜赤縣事繁劇一閑復一忙動  
作經時隔清觴久廢酌白曰頽虛擲念此  
忽踟躕悄然心不適豈無舊交結久則或  
遷易亦有新往還相見多形迹唯君於我  
分堅久如金石何况老大來人情重姻戚  
會稀歲月急此事真可惜幾迴開口笑使  
到鬢鬚白公門苦鞅掌晝日無閑隙猶冀  
乘暇來靜言同一夕

送春

三月三十日春歸日復暮惆悵問春風明  
朝應不住送春曲江上春上東西顧但見

撲水花紛七不知數人生似行客兩足無  
停步日七進前程前程幾多路兵刀與水  
火盡可違之去唯有老到來人間先避處  
感時良為已獨倚池南樹今日送春心上  
如別親故

哭李三

去年渭水曲秋時訪我來今年常樂里春  
日哭君迴哭君仰問天上意安在哉若必  
奪其壽何如不與才蕭然身後事妻病女  
櫻孩

別李十一後重寄

秋日正蕭條驅車出蓬華迴望青門道日  
極心鬱七豈獨戀鄉土非關募簪絃所愴  
別李君平生同道術俱承金馬詔聯乘諫  
臣筆共上青雲梯中途一相失江湖我方  
往朝廷君不出蕙帶與華簪相逢是何日



讀書堂  
白氏文集卷之五

停驂問前路初出藍田路作  
途從此始絕頂忽盤上衆山皆下視下視  
千萬峯七頭如浪起朝經韓公坂夕次藍  
橋水尋陽僅四千始行七十里人煩馬蹄  
踞勞苦已如此

仙娥峯下作

我為東南行始登商山道商山无數峯最  
愛仙娥好參差樹若插匝雲如抱渴望  
寒玉泉香聞紫芝草青崖屏削碧白石床  
鋪綺向無如此物安足留四皓感彼私自  
問歸山何不早可能塵土中還隨衆人老

漠七秋雲起稍七夜行  
夜寒生但覺衣裳濕無  
點亦無聲

再到襄陽訪問舊居

昔到襄陽日鬢七初有髭今過襄陽日鬢  
鬢半成絲舊遊都似夢乍到忽如歸東郭  
蓬蒿宅荒涼今屬誰故知多零落問井亦  
迂移獨有秋江水烟波似舊時

寄微之三首

江州望通州天涯與地未有山萬丈高有  
江千里闊為我二人設通州君初到鬱七愁  
千古險為我二人設通州君初到鬱七愁

如結江州我方去迢七行未歇道路日乖  
隔音信日斷絕因風欲寄語地遠聲不徹

生當復相逢死當從此別  
君遊襄陽日我在長安住今君在通州我

過襄陽去襄陽九里郭樓雉連雲樹顧此  
稍依七是君舊遊處蒼茫蒹葭水中有潯

陽路此去更相思江西少親故  
去國日已遠喜逢物似人如何含此意江

上坐思君有如何嶽氣相合方氤氳狂風  
吹中絕兩處成孤雲風迴終有時雲合豈  
無因努力各自愛窮通我爾身

江雲暗悠悠江風冷脩脩夜雨滴船背夜  
浪打船頭船中有病客左降向江州

夜聞歌者

夜泊鸚鵡洲秋江月澄澈鄰船有歌者發  
調堪愁絕歌罷繼以泣七聲通復咽尋聲  
見其人 有婦顏如雪獨倚帆檣立娉婷十  
七八夜淚似真珠雙七墮明月借問誰家  
婦歌泣 向凄切一問一霑襟低眉終不說

江樓聞砧 一夕高樓月萬  
里故園心 宿東林寺

經窓燈焰短僧爐火氣深索落廬山夜風  
雪宿東林

憶洛下故園

潯陽遷謫地洛陽離亂年烟塵三川上炎  
瘴九江邊鄉心坐如此秋風仍颯然

贈別崔五

朝送南去客暮迎北來賓孰云當大路少  
遇心所親勞者念息肩熱者思濯身何如  
愁獨日忽見平生人平生已不淺是日重  
殷勤問從何處來及此江亭春江天春多  
陰夜月隔重雲携樽樹間飲燈照花紛  
一會不易得餘事何足云明旦又分手今  
夕且懽忻

春晚寄微之

三月江水闊悠悠桃花波年芳與心事此  
地共蹉跎南國方譴謫中原正兵戈眼前



故人少頭上白髮多通州更迢迓春盡復如何

漸老

今朝復明日不覺年齒暮白髮逐梳落朱顏辭鏡去當春頗愁寂對酒寡歡趣遇境多愴辛逢人益敦故形質屬天地推遷從不住所恠少年心銷磨落何處

送幼史

淮右寇未散江西歲再徂故里干戈地行人風雪途此時與爾別江畔立踟躕

夜雪

已訝衾枕冷復見窓戶明夜深知雪重時聞折竹聲

寄行簡

鬱<sup>匕</sup>眉多斂默<sup>匕</sup>口寡言豈是願如此舉目誰與歡去春爾西征從事巴蜀間今春

我南謫抱疾江海壖相去六千里地絕天  
邈然十書九不達何以開憂顏渴人多夢  
飲飢人多夢殍春來夢何處合眼到東川

首夏

孟夏百物滋動植一時好麋鹿樂深林蟲  
蛇喜豐草翔禽愛密葉游鱗悅新藻天和  
遺漏處而我獨枯槁一身在天末骨肉皆  
遠道舊國無來人寇戎塵浩<sup>匕</sup>沉憂竟何  
益<sup>匕</sup>自勞懷抱不如放身心冥然任天造  
潯陽多美酒可使杯不燥盜魚賤如泥烹  
炙無昏早朝飯山下寺暮醉湖中島何必  
歸故鄉茲焉可終老

孟夏思渭村舊居寄舍弟

噴<sup>匕</sup>雀引鷄稍<sup>匕</sup>笋成竹時物感人情憶  
我故鄉曲故園渭水上十載事樵牧手種  
榆柳成陰<sup>匕</sup>覆牆屋兔隱豆苗大鳥鳴桑



樓閣  
甚熟前年當此時與爾同遊矚詩書課弟  
姪農圃資僮僕日暮麥登場天晴蠶折簇  
弄泉南澗坐待月東亭宿興發欲數杯悶  
來碁一局一朝忽分散萬里仍羈束井鮒  
思返泉籠鶯悔出谷尤江地卑濕四月天  
炎燠苦雨初入梅瘴雲稍含毒泥秧水畦  
稻灰種畚田粟已訝殊歲時仍嗟異風俗  
閑登郡樓望日落江山綠歸鴈拂鄉心平  
湖斷人目殊方我漂泊舊里君幽獨何時  
同一瓢飲水心亦足

早蟬

六月初七日江頭蟬始鳴石楠深葉裏薄  
暮兩三聲一催衰髮色再動故園情西風  
殊未起秋思先秋生憶昔在東掖宮槐花  
下聽今朝无限思雲樹遶益城

感情

中庭晒服玩忽見故鄉履昔贈我者誰東  
鄰嬋娟子因思贈時語特用結終始未願  
如履綦雙行復雙止自吾謫江郡漂蕩三  
千里爲感長情人提携同到此今朝一惆  
悵反覆看未已人隻履猶雙何曾得相似  
可嗟復可惜錦表繡爲裏况經梅雨來色  
黯花草死

南湖晚秋

八月白露降湖中水芳老旦夕秋風多衰  
荷半傾倒手攀青楓樹足蹋黃蘆草慘淡  
老容顏冷落秋懷抱有兄在淮楚有弟在  
蜀道萬里何時來烟波白浩

郡廳有樹晚榮早凋人不識名因  
題其上

潯陽郡廳後有樹不知名秋先梧桐落春  
後桃李榮五月始萌動八月已凋零左右

皆松桂四時鬱青上豈量雨露恩霑霈不  
均平榮枯各有分天地本無情顧我亦相  
類早衰向晚成形骸少多病三十不豐盈  
毛髮早改變四十白髮生誰教兩蕭索相  
對此江城

感秋懷微之

葉下湖又波秋風此時至誰知濩落心先  
納蕭條氣推移感流歲漂泊思同志昔爲  
烟霄侶今作泥塗吏白鷗毛羽弱青鳳文  
章異各閉一籠中歲晚同顛顛

因沐感髮寄朗上人二首

年長身轉慵百事無所欲乃至頭上髮經  
年方一沐上稀髮苦落一沐仍半禿短髮  
經霜蓬老面辭春木強年過猶近衰相來  
何速應是煩惱多心焦血不足  
漸少不滿把漸短不盈尺况茲短少中日

夜落復白既無神仙術回除老死籍祇有  
解脫門能度衰苦厄掩鏡望東寺降心謝  
禪客衰白何足言剃落猶不惜

早蟬

月出先照山風生先動水亦如早蟬聲先  
入閑入耳一聞愁意結再聽鄉心起渭上  
村蟬聲先聽渾相似衡門有誰聽日暮槐  
花裏

苦熱喜涼

經時苦炎暑心體但煩倦白日一何長清  
秋不可見歲功成者去天數極則變潛知  
寒煖間遷次如乘傳火雲忽朝斂金風俄  
夕扇枕簟遂清涼筋骸稍輕健因思望月  
侶好卜迎秋晏竟夜无客來引杯還自勸  
九派繞孤城上高生遠思人烟半在船野



水多於地穿霞日脚直驅鴈風頭利去國  
來幾時江上秋三至夫君亦淪落此地同  
飄寄憫默向隅心摧頽觸籠翅且謀眼前  
計莫問宵中事潯陽酒甚濃相勸時已醉  
雨徑綠蕪合霜園紅葉多蕭條司馬宅門  
巷無人過唯對大江秋水秋風朝夕波

荒涼滿庭草偃亞侵簷竹府吏下廳簾家  
僮開被僕數聲城上漏一點窓間燭官曹  
冷似冰誰肯來同宿

夢與李七庾三十三同訪元九

夜夢歸長安見我故親友損之在我左順  
之在我右云是二月天春風出携手同過  
靖安里下馬尋元九元九正獨坐見我笑  
開口還指西院花仍開北亭酒如言各有

故似惜歡難久神合俄頃間神離欠伸後  
覺來疑在側求索无所有殘燈影閃牆斜  
月光穿牖天明西北望萬里君知否老去  
無見期踟躕搔白首

秋槿

風露颺已冷天色亦黃昏中庭有槿花榮  
落同一晨秋開已寂寞夕殞何紛正憐  
少顏色後歎不逡巡感此因念彼懷哉聊  
一陳男兒老富貴女子晚婚姻頭白始得  
志色衰方事人後時不獲已安得如青春  
南宮鴛鴦地何忽烏來止故人錦帳郎聞  
烏笑相視疑烏報消息望我歸鄉里我歸  
應待烏頭白慙愧元郎誤歡喜

白氏長慶集卷之十



白氏長慶集卷之十一

初入峽有感

上有萬仞山，下有千丈水。蒼巖兩崖間，  
狹容一葦。瞿塘呀直瀉，灩澦屹中峙。未夜  
黑岩昏，无風白浪起。大石如刀劍，小石如  
牙齒。一昏无風不可行，况千三百里。蒹葭  
蒼欲歎，危檝師趾一。跌無完舟，吾生繫於此。  
常聞仗忠信，蠻貊可行矣。自古漂沈人，豈  
盡非君子。况吾時與命，蹇舛不足恃。常恐  
不才身，復作無名死。

過昭君村

靈珠產無種，彩雲出無根。亦如彼姝子，生  
此遐陋村。至麗物難掩，遽選入君門。獨美  
衆所嫉，終棄於塞垣。唯此希代色，豈無一  
顧恩。事排勢須去，不得由至尊。白黑既可  
變，丹青何足論。竟埋岱北骨，不返巴東魂。

蘭雪堂  
慘澹晚雲水，依稀舊鄉園。妍姿化已久，但有村名存。村中有遺老，指點為我言。不取往者戒，恐貽來者冤。至今村女面，燒灼成癍痕。

自江州至忠州

前在潯陽日，已歎賓朋寡。忽上抱憂懷，出門无處寫。今來轉深僻，窮峽巔山下。五月断行舟，灩堆正如馬。巴人類猿狖，矍鑠滿山野。敢望見交親，喜逢似人者。初到忠州，登東樓寄萬州楊八使

君

山東邑居窄，峽牽氣候偏。林巒少平地，霧雨多陰天。隱上煮鹽火，漠上燒畚煙。賴此東樓夕，風月時翛然。憑軒望所思，目断心涓上。背春有去鴈，上水無來船。我懷巴東守，本是關西賢。平生已不淺，流落重相憐。

水梗漂萬里，籠禽囚五年。新恩同雨露，遠郡鄰山川。書信雖往復，封疆徒接連。其如美人面，欲見杳無緣。  
郡中

鄉路音信断，山城日月遲。欲知州近遠，階前摘荔枝。

西樓夜

悄上復悄上，城隅隱林杪。山郭燈火希，峽天星漢少。年光東流水，生計南枝鳥。月没江沉上，西樓殊未曉。

東樓曉

脉上復脉上，東樓無宿客。城暗雲霧多，峽深田地窄。宵燈尚留焰，晨禽初展翮。欲知山高低，不見東方白。

寄王質夫

憶始識君時，愛君世緣薄。我亦吏王畿，不



爲名利著春尋仙遊洞秋上雲居閣樓觀  
水潺上龍潭花漠上吟詩石上坐引酒泉  
邊酌因話出處心上期老岩壑忽從風雨  
別遂被簪纓縛君作出山雲我爲入籠鶴  
籠深鶴殘頽山遠雲飄泊出處雖不同上  
負平生約今來各何在老去隨所託我守  
巴南城君佐征西幕年顏漸衰嘆生計仍  
蕭索方含去國愁且羨從軍樂舊遊疑是  
夢往事思如昨相憶春又深故山花正落  
南賓郡齋即事寄楊萬州

山上巴子城山下巴江水中有窮獨人強  
名爲刺史時上竊自西刺史豈如是倉粟  
餒家人黃縑裏妻子莓苔翳冠帶霧雨靈  
樓雉衙鼓暮復朝郡齋卧還起迴頭望南  
浦亦在烟波裏而我復何嗟夫君猶滯此  
招蕭處士

峽內豈無人所逢非所思門前亦有客相  
對不相知仰望但雲樹俯顧惟妻兒寢食  
起居外端然無所爲東郊蕭處士聊可與  
開眉能飲滿杯酒善吟長句詩庭前吏散  
後江畔路乾時請君携竹杖一赴郡齋期  
庭槐

南方饒竹樹唯有青槐稀十種七八死縱  
活亦支離何此郡庭下一株獨華滋蒙上  
碧煙葉媚上黃花枝我家渭水上此樹蔭  
前墀忽向天涯見憶在故園時人生有情  
感遇物牽所思樹木猶復爾况見舊親知  
送客迴晚興

城上雲霧開沙頭風浪定參差亂山出澹  
汀平江淨行客舟已遠居人酒初醒嫋上  
秋竹梢巴蟬聲似磬  
東樓竹

蕭灑城東樓，遠樓多脩竹。森然一萬竿，白粉封青玉。卷簾睡初覺，欹枕看未足。影轉色入樓，床席生浮綠。空城絕賓客，向夕彌幽獨。樓上夜不歸，此君留我宿。

黍香酒初熟，菊暖花未開。閑聽竹枝曲，淺酌茱萸杯。去年重陽日，漂泊溢城隈。今歲重陽日，蕭條巴子臺。旅鬢尋已白，鄉書久不來。臨觴一搔首，座客亦徘徊。

老色日上面，歡情日去心。今既不如昔，後當不如今。上猶未甚衰，每事力可任。花時仍愛出，酒後尚能吟。但恐如此興，亦隨日銷沈。東城春欲老，勉強一來尋。

江花已萎絕，江草已銷歇。遠客何處歸，孤舟今日發。杜鵑聲似哭，湘竹斑如血。共是多感人，仍為此中別。

春令有常候，清明桐始發。何此巴峽中，桐花開十月。豈伊物理變，信是土宜別。地氣反寒暄，天時倒生殺。草木堅強物，所稟固難奪。風候一條差，榮枯遂乖刺。况吾北人性，不耐南方熱。強羸壽夭間，安得依時節。

遠郡雖編陋，時祀奉朝經。夙興祭風伯，天氣曉冥上。導騎與從吏，引我出東垌。水霧重如雨，山火高於星。忽憶早朝日，與君趨紫庭。步登龍尾道，却望終南青。一別身向老，所思心未寧。至今想在耳，玉音尚玲。

藹上江氣春，南賓閏五月。梅櫻與桃杏，次



第城上發紅房爛簇火素豔紛圍雪香惜  
委風飄愁牽壓枝折樓中老太守頭上新  
白髮冷澹病心惰暄和好時節故園音信  
斷遠郡親賓絕欲問花前樽依然為誰設

引手攀紅櫻紅櫻落似霰仰首看白日白  
日走如箭年芳與時景頃刻猶衰變况是  
血肉身安能長強健人心苦迷執慕貴憂  
貧賤愁色常在眉歡容不上面况吾頭半  
白把鏡非不見何必花下盃更待他人勸

不二門

兩眼日將闔四支漸衰瘦束帶臙昔圍穿  
衣妨寬袖流年侶江水奔注無昏晝志氣  
與形骸安得長依舊亦曾登玉陛舉措多  
紕繆至今金闕籍名姓獨遺漏亦曾燒大  
藥消息乖火候至今殘丹砂燒乾不成就

行藏事兩失憂惱心交鬪化作顛顛翁拋  
身在荒陋坐看老病逼須待醫王救唯有  
不二門其間無夭壽

我身

我身何所似七彼孤生蓬秋霜翦根斷浩  
浩隨長風昔遊秦雍間今落巴蠻中昔為  
意氣郎今作寂寥翁外貌雖寂寞中懷頗  
冲融賦命有厚薄委心任窮通上當為大  
鵬舉翅摩蒼穹窮則為鷓鷯一枝足自容  
苟知此道者身窮心不窮

哭王質夫

仙遊寺前別七來十年餘生別猶快七死

別復何如客從梓潼來道君死不虛驚疑  
心未信欲哭復踟蹰踟蹰寢門側聲發涕  
亦俱衣上今日淚篋中前月書憐君古人  
風重有君子儒篇詠陶謝輩風衿嵇阮徒

出身既蹇連生世乃須臾誠知天至高安  
得不一呼江南有毒蟒江北有妖狐皆亨  
千年壽多於王質夫不知彼何德不識此  
何辜

東坡種花二首

持錢買花樹城東坡上栽但構有花者不  
限桃杏梅百果叅雜種千枝次第開天時  
有早晚地力无高低紅者霞豔白者雪  
皚上遊蜂逐不去好鳥亦栖來前有長流  
水下有小平臺時拂臺上石一舉風前杯  
花枝蔭我頭花藥落我懷獨酌復獨詠不  
覺月平西巴俗不愛花竟春无一人來唯此  
醉太守盡日不能迴  
東坡春向暮樹木今何如漠上花落盡翳  
翳葉生初每日領僮僕荷鋤仍決渠剗土  
壅其本引泉溉其枯小樹伍數尺大樹長

丈餘封植來幾時高下齊扶疎養樹既如  
此養民亦何殊將欲茂枝葉必先救根株  
云何救根株勸農均賦租云何茂枝葉省  
事寬刑書移此為郡政庶幾毗俗蘇

登城東古臺

迢上東郊上有土青崔嵬不知何代物疑  
是巴王墓巴歌父无聲巴宮没黃埃靡上  
春草舍牛羊緣四隈我來一登眺目極心  
悠哉始見江山勢峯疊水環迴憑高視聽  
曠向遠曾衿開唯有故園念時從東北來

哭諸故人因寄元八

昨日哭寢門今日哭寢門借問所哭誰無  
非故交親偉卿既長往質夫亦幽淪屈指  
數年世收涕自思身彼皆少於我先為泉  
下人我今頭半白焉得身又存好在元郎  
中相識二十春昔見君生子今聞君抱孫



出身既蹇連生世乃須臾誠知天至高安  
得不一呼江南有毒蟒江北有妖狐皆亨  
千年壽多於王質夫不知彼何德不識此  
何辜

東坡種花二首

持錢買花樹城東坡上栽但構有花者不  
限桃杏梅百果參雜種千枝次第開天時  
有早晚地力无高低紅者霞豔白者雪  
皚上遊蜂逐不去好鳥亦栖來前有長流  
水下有小平基時拂臺上石一舉風前杯  
花枝蔭我頭花藥落我懷獨酌復獨詠不  
覺月平西巴俗不愛花竟春无人來唯此  
醉太守盡日不能迴  
東坡春向暮樹木今何如漠上花落盡翳  
翳葉生初每日領僮僕荷鋤仍決渠剗土  
壅其本引泉溉其枯小樹伍數尺大樹長

丈餘封植來幾時高下齊扶疎養樹既如  
此養民亦何殊將欲茂枝葉必先救根株  
云何救根株勸農均賦租云何茂枝葉省  
事寬刑書移此為郡政庶幾毗俗蘇

登城東古臺

迢上東郊上有土青崔嵬不知何代物疑  
是巴王墓巴歌父无聲巴宮没黃埃靡心  
春草舍牛羊綠四隈我來一登眺目極心  
悠哉始見江山勢峯豐水環迴憑高視聽  
曠向遠曾衿開唯有故園念時從東北來

哭諸故人因寄元八

昨日哭寢門今日哭寢門借問所哭誰無  
非故交親偉卿既長往質夫亦幽淪屈指  
數年世收涕自思身彼皆少於我先為泉  
下人我今頭半白焉得身存好在元郎  
中相識二十春昔見君生子今聞君抱孫

存者盡老大逝者已成塵早晚升平宅開  
眉一見君

郡中春燕因贈諸客

僕本儒家子待詔金馬門塵忝親近地孤  
負聖明恩一旦奉優詔萬里牧遠人可憐  
島夷師自稱爲使君身騎牯馬口食塗  
江鱗閣淡緋衫故爛斑白髮新是時歲二  
月玉曆布春分頒條示皇澤命宴及良辰  
冉上趨府吏蚩上聚州民有如螫蟲鳥亦  
應天地春薰草席鋪座藤枝酒注樽中庭  
無平地高下隨所陳鼓蠻聲坎上巴女舞  
躑上使君居上頭掩口語衆實勿笑風俗  
陋勿欺官府貧蜂巢與蟻穴隨分有君臣

開元寺東池早春

池水暖温暾水清波澹艷蒨上青泥中新  
蒲葉如劍梅房小白裏柳彩輕黃染順氣

草薰上適情鷗汎上舊遊成夢寐往事隨  
陽焱芳物感幽懷一動平生念

東間種柳

野性愛栽植上柳水中坻乘春持斧斫栽  
截而樹之長短旣不一高下隨所宜倚岸  
埋大榦臨流插小枝松栢不可待梗柎固  
難移不如種此樹此樹易榮滋死根亦可  
活成陰况非遲三年未離郡可以見依上  
種罷水邊憇仰頭閑自思富貴本非望功  
名須待時不種東溪柳端坐欲何爲

卧小齋

朝起視事畢晏坐飽食終散步長廊下退  
卧小齋中拙政自多暇幽情誰與同孰云  
二千石心如田野翁

步東坡

朝上東坡步夕上東坡步東坡何所愛上



此新成樹種植當歲初滋榮及春暮信意  
取次栽无行亦無數綠陰斜景轉芳氣微  
風度新葉鳥下來萎花蝶飛去閑攜斑竹  
杖徐曳黃麻履欲識往來頻青蕪成白路

徵秋稅畢題郡南亭

高城直下視蠹<sub>上</sub>見巴蠻安可施政教尚  
不通語言且喜賦斂畢幸聞閭井安豈伊  
循良化賴此豐登年按牘既簡少池館亦  
清閑秋雨簷果落夕鍾林鳥還南亭日蕭  
灑偃卧恣踈頑

蚊蟆

巴徼炎毒早三月蚊蟆生啞膚拂不去遶  
耳<sub>上</sub>聲斯物頗微細中人初甚輕如有  
膚受<sub>上</sub>諸<sub>上</sub>則瘡痂成痂成無柰何所要防  
其萌<sub>上</sub>麼蟲何足道潜喻傲人情  
登龍昌上寺望江南山懷錢舍人

騎馬出西郭悠<sub>上</sub>欲何之獨上高寺去一  
與白雲期虛檻晚蕭灑前山碧參差忽似  
青龍閣同望玉峯時因詠松雪句求懷鸞  
鶴姿六年不相見况乃隔榮衰

郊下

西日照高樹<sub>上</sub>頭子規鳴東風吹野水<sub>上</sub>  
畔江籬生盡日看山立有時尋澗行兀<sub>上</sub>  
長如此何許似專城

遣懷

樂往必悲生泰來猶否極誰言此數然吾  
道何終塞嘗求詹<sub>上</sub>卜拂龜竟默<sub>上</sub>亦會  
仰問天<sub>上</sub>但蒼<sub>上</sub>色自茲唯委命名利心  
雙息近<sub>上</sub>日轉安閑鄉園亦休憶迴看世間  
苦<sub>上</sub>在求不得我今無所求庶離憂悲域

歲晚

霜降水返壑風落木歸山冉<sub>上</sub>歲將晏物

皆復本源何此南遷客五年獨未還命途  
分已定日久心彌安亦嘗心與口靜念私  
自言去國固非樂歸鄉未必歡何須自生  
苦捨易求其難

負冬日

杲也冬日出照我屋南隅負暄閉目坐和  
氣生肌膚初似飲醉醪又如蟄者蘇外融  
百骸暢中適一念無曠然忘所在心與虛  
空俱

委順

山城雖荒蕪竹樹有嘉色郡俸誠不多亦  
足充衣食外累由心起心寧累自息尚欲  
忘家鄉誰能筭官職宜懷齊遠近委順隨  
南北歸去誠可憐天涯住亦得

衆心愛金玉衆口貪酒肉何此溪上翁飲

瓢亦自足溪南刈薪草溪北修牆屋歲種  
一頃田春驅兩黃犢於中甚安適此外無  
營欲溪畔偶相逢庵中遂同宿辭翁向朝  
市問我何官祿虛言笑殺翁郎官應列宿  
重過壽泉憶與楊九別時因題店  
壁

商州南十里有水名壽泉涌出石崖下流  
經山店前憶昔相送日我去君言還寒波  
與老淚此地共潺湲一去歷萬里再來經  
六年形容已變改處所猶依然他日君過  
此殷勤吟此篇  
西掖早秋直夜書意

涼風起禁掖新月生宮沼夜半秋暗來萬  
年枝嫋七炎涼迤時節鍾鼓交昏曉偶聖  
惜年衰報恩愁力小素食無補益朱綬虛  
纏繞冠蓋栖野雲稻梁養山鳥量力私自



省所得已非少五品不為賤五十不為天  
若死知足心貪求何日了

庭松

堂下何所有十松當我階亂立無行次高  
下亦不齊高者三丈長下者十尺低有如  
野生物不知何人栽接以青瓦屋承之白  
沙臺朝昏有風月燥濕无塵泥踈韻秋  
涼陰夏凄上春深微雨夕滿葉珠蓑  
歲暮大雪天壓枝玉體上四時各有趣萬  
木非其儕去年買此宅多為人所哈一家  
襟開口移轉就松來移來有何得但得煩  
士冠帶走塵埃未稱為松主時上一開懷

竹窓

嘗愛朝川寺竹窓東北廊一別十餘載見  
竹未曾忘今春二月初卜居在新昌未暇

作廐庫且先營一堂開窓不糊紙種竹不  
依行意取北簷下窓與竹相當遶屋聲浙

上逼人色蒼上煙通香藹氣月透玲瓏光  
是時三伏天上氣熱如湯獨此竹窓下朝

迴解衣裳輕紗一幅巾小簾六尺床無客  
盡日靜有風終夜涼乃知前古人言事頗

諸詳清風北窓卧可以傲羲皇  
同韓侍郎遊鄭家池吟詩小飲

野艇容三人晚池流浼上悠然倚掉坐水  
思如江海宿雨洗沙塵晴風蕩煙靄殘陽  
上竹樹枝葉生光彩我本偶然來景物如  
相待白鷗驚不起綠芡行堪採齒髮雖已  
衰性靈未云改逢詩遇杯酒尚有心情在

朝弔李家孤暮問崔家疾迴馬獨歸來低  
眉心鬱上平生所善者多不過六七如何

十年間零落三無一劉曾夢中見元向花  
前失漸老與誰遊春城好風日

曲江感秋二首并序

元和二年三年四年予每歲有曲

江感秋詩凡三篇編在第七集卷

是時予為左拾遺翰林學士無何

貶江州司馬忠州刺史前年遷主

客郎中知制誥未周歲授中書舍

人今遊曲江又值秋曰風物不改

人事屢變况予中否後遇昔壯今

衰慨然感懷復有此作噫人生多

故不知明年秋又何許也時二年

元和二年七月十日云耳

年五十一中間十四年六年居譴窮通  
與榮悴委運隨外物遂師廬山遠重吊湘

江屈夜聽竹枝愁秋看艷堆沒近辭巴郡

印又秉綸闈筆晚遇何足言白髮映朱絨

銷沉昔意氣改換舊容質獨有曲江秋風

烟如往日

踈蕪南岸草蕭颯西風樹秋到來幾時蟬

聲又無數莎平綠茸合蓮落青房露今日

臨望時往年感秋處池中水依舊城上山

如故獨我髮間毛昔黑今垂素榮名與壯

齒相避如朝暮時命始欲來年顏已先去

當春不歡樂臨老徒驚悞故作誅懷詩題

於曲江路

翫松竹二首

龍地隱大澤麋鹿遊豐草栖鳳安於梧潛  
魚樂於藻吾亦愛吾廬中樂吾道前松  
後脩竹偃卧可終老各附其所安不知他  
物好



坐愛前簷前卧愛北窓北窓竹多好風簷  
松有嘉色幽懷一以合俗念隨緣息在爾  
雖无情於予即有得乃知性相近不必動  
與植

衰病無趣因吟所懷

朝食多不飽夜卧常少睡自覺寢食間都  
無少年味平生好詩酒今亦將捨棄酒唯  
下藥飲無復會歡醉詩多聽人吟自不題  
一字病姿引衰相日夜相繼至况當尚少  
朝彌慙居近侍終當求一郡聚少漁樵費  
合口便歸山不問人間事

逍遙詠

亦莫戀此身亦莫厭此身此身何足戀萬  
劫煩惱根此身何足厭一聚虛空塵無戀  
亦無厭始是逍遙人  
白氏長慶集卷之十一



白氏長慶集卷之十一

白氏長慶集卷之十二

短詞行



白氏長慶集卷之十二

瞳上太陽如火色上行千里下一刻出為  
白晝入為夜圓轉如珠住不得住不得可  
柰何為君舉酒詞短詞七聲苦詞亦苦四  
座少年君聽取今夕未竟明夕催秋風纒  
往春風迴人無根蒂時不駐朱顏白首相  
隳積勸君且強笑一面勸君復強飲一盃  
人生不得長歡樂年少須臾老到來

生離別

食藥不易食梅難藥能苦兮梅能酸未如  
生別之為難苦在心兮酸在肝晨雞再鳴  
殘月沒征馬連嘶行人出迴看骨肉笑一  
聲梅酸藥苦甘如蜜黃河水白黃雲秋行  
人河邊相對愁天寒野曠何處宿棠梨葉  
戰風颯上生離別憂從中來無斷

絕憂極心勞血氣衰未年三十生白髮

浩歌行

天長地久無終畢昨夜今朝又明日髮髮  
蒼浪牙齒疎不覺身年四十十七前去五十  
有幾年把鏡照面心茫然既無長繩繫白  
日又無大藥駐朱顏朱顏日漸不如故青  
史功名在何處欲留年少待富貴富貴不  
來年少去上復去兮如長河東流赴海无  
迴波賢愚貴賤同歸盡北邱塚墓高嵯峨  
古來如此非獨我未死有酒且高歌顏回  
短命伯夷餓我今所得亦已多功名富貴  
須待命上若不來知柰何

王夫子送君為子一尉東南三千五百里道

途雖遠位雖卑月俸猶堪活妻子男兒口  
讀古人書束帶斂手來從事近將狗祿給

一家遠則行道佐時理行道佐時須待命  
委身下位無為耻命苟未來且求食官無  
高卑及遠邇男兒上既未能濟天下又  
不至飢寒死吾觀九品至一品其間氣味  
都相似紫綬朱紱青布衫顏色不同而已  
矣王夫子別有一事欲勸君遇酒逢春且  
歡喜

江南遇天寶樂叟

白頭病叟泣且言祿山未亂入梨園能彈  
琵琶和法曲多在華清隨至尊是時天下  
太平父年七十月坐朝元千官起居環珮  
合萬國會同車馬奔金鈿照耀石甕寺蘭  
麝薰煖温湯源貴妃宛轉侍君側體弱不  
勝珠翠繁冬雪飄上錦袍暖春風蕩漾霓  
裳翻歡娛未足燕寇至弓勁馬肥胡語喧  
幽土人遷避夷狄鼎湖龍去哭軒轅從此



漂淪到南土萬人死盡一樽酒魚久失風波  
浪無限暮雨舟中酒一樽酒魚久失風波  
勢枯草曾沾雨露恩我自秦來君莫問  
山渭水如荒村新豐樹老籠明月長生殿  
閣鏢黃昏紅葉紛上蓋歎瓦綠苔重上封  
壞垣唯有中官作宮使每年寒食一開門  
黃昏慘上送張山人歸嵩陽  
天微雪修行坊西鼓聲絕張生  
馬瘦衣且單夜扣柴門與我別媿君冒寒  
來別我為君沽酒張燈火酒酣火暖與君  
言何事入關又出關答云前年偶下山四  
十餘月客長安長安古來名利地空手無  
金行路難朝遊九城陌肥馬輕車欺殺客  
暮宿五侯門殘茶冷酒愁殺人春明門上  
前便是高山路幸有雲泉容此身明日辭  
君且歸去

醉後走筆酬劉五主簿長句之贈  
兼柬張大賈二十四先輩昆季

劉兄文高行孤立十五年前三名翁習是時  
相遇在符離我年二十君三十得意忘年  
心迹親寓居同縣日知聞衡門寂寞朝尋  
我古寺蕭條暮訪君朝來暮去多携手窮  
巷貧居何所有秋燈夜寫聯句詩春雪朝  
傾暖寒酒罍湖綠愛白鷗飛淮水清憐紅  
鯉肥偶語閑攀芳樹立相扶醉踏落花歸  
張賈弟兄同里巷乘閑數上來相訪雨天  
連宿草堂中月夜徐行石橋上我年漸長  
忽自驚鏡中冉上髭鬚生心畏後時同勵  
志身牽前事各求名問我拙上何所適鄉  
人薦為鹿鳴客二千里別謝交遊三十韻  
詩慰行役出門可憐唯一身弊裘瘦馬入  
咸秦上街鼓紅塵闇晚到長安無主人

二賈二張與余弟驅車麗迤來相繼操詞  
握賦爲干戈鋒銳森然勝氣多齊入文場  
同苦戰五人十載九登科二張得雋名居  
甲美退爭雄重告捷棠棣輝榮並桂枝芝  
蘭芬馥和荆葉唯有沅犀屈未伸嗟中自  
謂駭雞珍三年不鳴必大豈獨駭雞當  
駭人元和運啓千年聖同遇明時余最幸  
始辭祕閣吏王畿遽列諫垣升禁闈蹇步  
何堪鳴珮玉衰容不稱着朝衣閭闔晨開  
朝百辟冕旒不動香烟碧步登龍尾上虛  
空立去天顏无咫尺宮花似雪從乘輿禁  
月如霜坐直廬身賤每驚隨內宴才微常  
愧草天書晚松寒竹新昌第職居密近門  
多閉日暮銀臺下直迴故人到門上暫開  
迴頭下馬一相顧塵土滿衣何處來斂手  
炎涼叙未畢先說舊山今悔出岐陽旅宦

少歡娛江左羈遊費時日贈我一篇行路  
吟吟之句上披沙金歲月徒催白髮貌泥  
塗不屈青雲心誰謂茫茫天地意短才獲  
用長才棄我隨鷓鴣入烟雲謬上丹墀爲  
近臣君同鸞鳳栖荆棘猶著青袍作選人  
惆悵知賢不能薦徒爲出入蓬萊殿月慙  
諫紙二百張歲愧俸錢三十萬大底浮榮  
何足道幾度相逢即身老且傾斗酒慰羈  
愁重話符離問舊遊北巷鄰居幾家去東  
林舊院何人住武里村花落復開流溝山  
色應如故感此酬君千字詩醉中分手又  
何之須知通塞尋常事莫嘆浮沉先後時  
慷慨臨期重相勉殷勤別後加食飯君不  
見買臣衣錦還故鄉五十身榮未爲晚  
和錢貞外蒼盧負外早春獨遊曲  
江見寄長句



春來有色閭融上先到詩情酒思中柳岸  
霏微衰塵雨杏園淡蕩開花風聞君獨遊  
心鬱薄晚新晴騎馬出醉思詩侶有同  
年春嘆翰林無暇日雲夫首唱寒玉音蔚  
章繼和春搜吟此時我亦閉門坐一日風  
流三處心

涼風冷

東墟晚歌

時退居渭村

涼田遠塚

秋花少顏色細虫小蝶飛翻上中有騰上

獨行者手拄漁竿不騎馬晚從南澗釣魚

回歌此墟中白楊下褐衣半故白頭新人

逢知我是何人誰言渭浦栖遲客曾作甘

泉侍從臣客中月見清光圓曉隨殘月行夕與新月宿誰謂

客從江南來來時月上弦悠上行旅中三

月無情千里遠相逐朝發渭水橋暮入長

安陌不知今夜月又作誰家客

丹旄何飛揚素驂亦悲鳴晨光照閭巷輻

車儼欲行蕭條九月天哀挽出重城借問

送者誰妻子與弟兄蒼上上古原幾上開

新塋含酸一慟哭異口同哀聲舊壠轉蕪

絕新墳日羅列春風草綠北邙山此地年

長相思

九月西風興二月東風來草拆花心開思君

夜魂九升二日腸九迴妾住洛橋北君住洛

橋南十五即相識今年二十三有如女蘿

草生在松之側蔓短枝苦高縈迴上不得

步比肩行願作深山木枝上連理生

山鷓鴣

山鷓鴣朝上暮上啼復啼啼時露白風凄  
凄黃茅岡頭秋日晚苦竹嶺下寒月低  
田有粟飢不啄石楠有枝何不栖  
緩復不急樓上舟中聲聞入夢鄉  
轉卧抱兒寡婦彷徨立山鷓鴣  
鳥生不辭巢不別羣何苦聲上啼到曉  
到曉唯能愁北人南人慣聞如不聞

放旅鴈

九江十年冬大雪江水生冰樹枝折百鳥  
無食東西飛中有旅鴈聲最飢雪中啄草  
冰上宿翅冷騰空飛動遲江童持網捕將  
去手携入市生賣之我本北人今謫謫人  
鳥雖殊同是客見此客鳥傷客人贖汝放  
汝飛入雲鴈上汝飛向何處第一莫飛西

北去淮西有賊討未平百萬甲兵父屯聚  
官軍賊軍相守老食盡兵窮將及汝健兒  
飢餓射汝喫拔汝翅翎為箭羽

送春歸

送春歸三月盡日上暮時去年杏園花飛  
御溝綠何處送春曲江曲今年杜鵑花落  
子規啼送春何處西江西帝城送春猶快  
快天涯送春能不加惆悵莫惆悵送春人  
穴員無替五年罷應須準擬再送潯陽春  
今年江上春明年未死還相見

山石榴寄元九

山石榴一名山躑躅一名杜鵑花杜鵑啼  
時花撲上九江三月杜鵑來一聲催得一  
枝開江城上佐閑無事山下斲得廳前栽  
爛熳一欄十八樹根株有數花無數千房



萬葉一時新嫩紫殷紅鮮麴塵淚痕衰損  
燕脂臉剪刀裁破紅綃巾謫仙初墮愁在  
世姘女新嫁嬌泥春日射血珠將滴地風  
翻火焰欲燒人閑折兩枝持在手細看不  
似人間有花中此物似西施芙蓉芍藥皆  
嫫母奇芳絕艷別者誰通州遷客元拾遺  
拾遺初貶江陵去七時正值青春暮商山  
秦嶺愁殺君山石榴花紅夾路題詩報我  
何所云苦云色似石榴裙當時叢畔唯思  
我今日欄前只憶君憶君不見坐銷落日  
西風起花紛七

畫竹歌

并引

協律郎蕭悅善畫竹舉時無倫蕭  
亦甚自秘重有終歲求其一竿一  
技而不得者知予天與好事忽寫  
一十五竿惠然見投予厚其意高

其藝無以答賦作歌以報之凡一  
百八十六字云

植物之中竹難寫古今雖畫死似者蕭郎  
下筆獨逼真丹青以來唯一人畫竹身  
肥臃腫蕭畫莖瘦節上竦人畫竹梢死羸  
垂蕭畫枝活葉上動不根而生從意生不  
筍而成由筆成野塘水邊碕岸側森上兩  
叢十五莖嬋娟不失筠粉態蕭颯盡得風  
烟情舉頭忽看不知畫低耳靜聽疑有聲  
西叢七莖勁而健省向天竺寺前石上兒  
東叢八莖疎且寒憶曾相妃廟裏雨中看  
幽姿遠思少人別與君相顧空長歎蕭郎  
蕭郎老可惜手顫眼昏頭雪色自言便是  
絕筆時從今此竹猶難得

貞娘墓 真娘墓  
真娘墓 虎丘道不識真娘鏡中面唯見真

娘墓頭草霜摧桃李風折蓮真娘死時猶  
少年脂膚美手不牢固世間有物難留連  
難留連易銷歇塞北花江南雪  
長恨歌傳  
前進士陳鴻撰

開元中泰階平四海无事玄宗在位歲久  
倦於肝食宵衣政死大小始委於右丞相  
深居遊宴以聲色自娛先是元獻皇后武  
淑妃皆有寵相次即世宮中雖良家子千  
數无可悅日者上意忽上不樂時每歲十  
月駕幸華清宮内外命婦熠耀景從浴日  
餘波賜以湯沐春風靈液澹蕩其間上心  
油然若有顧遇左右前後粉色如土詔高  
力士漸搜外宮得弘農楊玄琰女於壽邸  
既笄矣鬢髮膩理纖穠中度舉止閑冶如  
漢武帝李夫人别疏湯泉詔賜藻瑩既出  
水體弱力微若不任羅綺光彩煥發轉動

照人上甚悅進見之日奏霓裳羽衣曲以  
導定情之夕授金釵鈿合以固之又命戴  
步搖垂金璫明年册為貴妃半后服用繇  
是冶其容敏其詞婉變萬態以中上意上  
益嬖焉時省風九州泥金五岳驪山雪夜  
上陽春朝與上行同室宴專席寢專房雖  
有三夫人九嬪二十七世婦八十一御妻  
暨後宮才人樂府妓女使天子無顧眄意  
自是六宮無復進幸者非徒殊艷九態致  
是蓋才智明慧善巧便佞先意希旨有不  
可形容者叔父昆弟皆列在清貫爵為通  
侯姊妹封國夫人富埒王室車服邸第與  
大長公主侔而恩澤勢力則又過之出入  
禁門不問京師長吏為側目故當時謠諑  
有云生女勿悲酸生兒勿喜歡又曰男不  
封侯女作妃看女却為門上楮其人心羨



廣靈堂  
慕山如此兄國忠盜丞相位愚弄國柄及安  
祿華南幸出咸陽道次馬嵬亭六軍徘徊  
持戟不進從官郎吏伏上馬前請誅錯以  
謝天下國忠奉鬻纓盤水死於道周左右  
之意未快上問之當時敢言者請以貴妃  
塞天下怒上知不免而不忍見其死反袂  
掩面使牽之而去蒼黃展轉竟就絕於尺  
組之下既而玄宗狩成都肅宗受禪靈武  
明年大兇歸元大駕還都尊玄宗為太上  
皇就養南宮遷於西內時移事去樂盡悲  
來每至春之日冬之夜池蓮夏開宮槐秋  
落梨園弟子玉琯發音聞霓裳羽衣一聲  
則天顏不怡左右歎歎三載一意其念不  
衰求之夢魂杳不能得適有道士自蜀來  
知上皇心念楊妃如是自言有道士自蜀來

術玄宗大喜命致其神方士乃竭其術以  
索之不至又能遊神馭氣出天界沒地府  
以求之不見又旁求四虛上下東極天海  
跨蓬壺見最高仙山上多樓闕西廂下有  
洞戶東向闔其門署曰玉妃太真院方士  
抽簪扣扉有雙童女出應問方士造次未  
及言而雙鬟復入俄有碧衣侍女又至詰  
其所從方士因稱唐天子使者且致其命  
碧衣云玉妃方寢請少待之於時雲海沉  
沉洞天日曉瓊戶重闔悄然無聲方士屏  
息斂足拱手門下久之而碧衣延入且曰  
玉妃出見一人冠金蓮披紫綃珮紅玉曳  
鳳鳥左右侍者七八人揖方士問皇帝安  
否次問天寶十四年以還事言訖憫默指  
碧衣取金釵鈿合各拊其半授使者曰為  
謝太上皇謹獻是物尋舊好也方士受辭

與信將行色有不足玉妃固徵其意復前  
跪致詞請當時一事不為他人聞者驗於  
太玉上皇不然恐細合金釵負新垣平之詐  
也玉妃茫然退立若有所思徐而言曰昔  
天寶十載侍輦避暑驪山宮秋七月牽牛  
織女相見之夜秦人風俗是夜張錦繡陳  
飲食樹瓜華焚香於庭號為乞巧宮掖間  
猶尚之夜殆半休侍衛於東西廂獨侍上  
上凭肩而立因仰天感牛女事密相誓心  
願世世為夫婦言畢執手各嗚咽此獨君  
王知之耳因自悲曰由此一念又不得居  
此復墮下界且結後緣或為天或為人決  
再相見好合如舊因言太上皇亦不父人  
間幸惟自安無自苦耳使者還奏太上皇  
皇心震悼曰上不豫其年夏四月南宮晏  
駕元和元年冬十月太原白樂天自校

書郎尉於盤屋鴻與琅邪王質夫家於是  
邑暇日相携遊仙遊寺話及此事相與感  
嘆質夫舉酒於樂天前曰夫希代之事非  
遇出世之才潤色之則與時消沒不聞於  
世樂天深於詩多於情者試為歌之如何  
樂天因為長恨歌意者不但感其事亦欲  
懲尤物窒亂階垂於將來也歌既成使鴻  
傳焉世所不聞者予非開元遺民不得知  
世所知者有玄宗本紀在今但傳長恨云  
長恨歌

漢皇重色思傾國御宇多年求不得楊家  
有女初長成養在深閨人未識天生麗質  
難自棄一朝選在君王側迴眸一笑百媚  
生六宮粉黛無顏色春寒賜浴華清池温  
泉水滑洗凝脂侍兒扶起嬌無力始是新  
承恩澤時雲鬢花顏金步搖芙蓉帳暖度



春宵春宵苦短日高起從此君王不早朝  
承歡侍宴無閑暇春從春遊夜專夜後宮  
佳麗三千人三千寵愛在一身金屋粧成  
嬌侍夜玉樓宴罷醉和春姊妹弟兄皆列  
土可憐光彩生門戶遂令天下父母心不  
重生男重生女驪宮高處入青雲仙樂風  
飄颻上聞緩歌慢舞凝絲竹盡日君王看  
不足漁陽鞞鼓動地來驚破霓裳羽衣曲  
九重城闕煙塵生千乘萬騎西南行翠華  
搖上復止西出都門百餘里六軍不發  
旌柰何宛轉蛾眉馬前死花鈿委地無人  
收翠翹金雀玉搔頭君王掩面救不得迴  
看血淚相和流黃埃散漫風蕭索雲棧縈  
迴登劍閣我峩峩山下少人行旌旗無光日  
色薄蜀江水碧蜀山青聖主朝上暮上情  
行宮見月傷心夜色夜雨聞鈴腸斷聲天旋

日轉迴龍馭到此躊躇不能去馬嵬坡下  
泥土中不見玉顏空死處君臣相顧盡沾  
衣東望都門信馬歸歸來池苑皆依舊太  
液芙蓉未央柳芙蓉如面柳如眉對此如  
何不淚垂春風桃李花開夜秋雨梧桐葉  
落時西宮南苑多秋草宮葉滿階紅不掃  
梨園弟子白髮新椒房阿監青娥老夕殿  
螢飛思悄然孤燈挑盡未成眠遲上鍾鼓  
初長夜耿耿星河欲曙天鴛鴦瓦冷霜華  
重翡翠衾寒誰與共悠悠上生生死別經年塊  
魄不曾來入夢臨邛道士鴻都客能以精  
誠致魂魄為感君王展轉思遂教方士殷  
勤覓排空馭氣奔如電昇天入地求之遍  
上窮碧落下黃泉兩處茫茫上皆不見忽聞  
海上有仙山在上虛無縹緲間樓閣玲瓏  
五雲起其中綽約多仙子中有仙人字太

真雪膚花貌參差是金闕西廂叩玉局轉  
教小玉報雙成聞道漢家天子使九華帳  
裏夢魂驚攬衣推枕起徘徊珠箔銀屏麗  
迤開雲鬢半偏新睡教花冠不整下堂來  
風吹仙袂飄飄舉猶似霓裳羽衣舞玉容  
寂寞淚闌干梨花一枝春帶雨含情凝睇  
謝君王一別音容兩渺茫朝陽殿裏恩愛  
絕蓬萊宮中日月長迴頭下望人寰處不  
見長安見塵霧唯將舊物表深情鈿合金  
釵寄將去鈿留一股合一扇釵擘黃金合  
分鈿但令心似金鈿堅天上人間會相見  
臨別殷勤重寄詞詞中有誓兩心知七月  
七日長生殿夜半無人私語時在天願作  
比翼鳥在地願為連理枝天長地久有時  
盡此恨綿綿七死無盡期

婦人苦

蟬髮加意梳蛾眉用心掃幾度曉粧成君  
看不言好妾身重同穴君意輕偕老惆悵  
去年來心知未能道今朝一開口語少意  
何深願引他時事移君此日心人言夫婦  
親義合如一身及至死生際何曾苦樂均  
婦人一喪夫終身守孤子有如林中竹忽  
被風吹折一折不重生枯死猶抱節男兒  
若喪婦能不一折不傷情應似門前柳逢  
發榮風吹一枝折還有一枝生為君委曲  
言願君再三聽須知婦人苦從此莫相輕  
花柳缺處青樓開艷歌一曲酒一盃美人  
勸我急行樂自古朱顏不再來君不見外  
州客長安道一迴來一迴老

潛別離

不得哭潛別離不得語暗相思兩心之外



無人知深籠夜鑲獨棲鳥利劍春斷連理  
枝河水雖濁有清日鳥頭雖黑有白時唯  
有潛離與暗別彼此甘心無後期

隔浦蓮

隔浦愛紅蓮昨日看猶在夜來風吹落只  
得一迴采花開雖有明年期復愁明年還  
暫時

寒食野望吟

丘墟郭門外寒食誰家哭風吹曠野紙錢  
飛古墓纍纍上春草綠棠梨花映白楊樹盡  
是死生離別處冥冥重泉哭不聞蕭蕭暮  
雨人歸去

琵琶行并序

元和十年予左遷九江郡司馬明年秋送  
客湓浦口聞舟船中夜彈琵琶者聽其音  
錚錚然有京都聲問其人本長安倡女嘗

學琵琶於穆曹二善才年長色衰委身為  
賈人婦遂命酒使快彈數曲曲罷憫默自  
叙少小時歡樂事今漂淪憔悴轉徙於江  
湖間予出官二年恬然自安感斯人言是  
夕始覺有遷謫意因為長句歌以贈之凡  
六百一十二言命曰琵琶行

尋陽江頭夜送客楓葉荻花秋索索主人  
下馬客在船舉酒欲飲無管絃醉不成歡

慘將別時茫茫江浸月忽聞水上琵琶聲  
主人忘歸客不發尋聲暗問彈者誰琵琶  
聲重停欲語遲移船相近邀相見添酒迴  
燈重開宴千呼萬喚始出來猶把琵琶半  
遮面轉軸撥絃三四聲未成曲調先有情  
絃上掩抑聲思似訴平生不得志低眉  
信手續初為霓裳後綠么大絃嘈上如急  
抹復挑初為霓裳後綠么大絃嘈上如急

雨。小絃切。玉盤。私語。嘈切。錯雜。彈。大  
珠。小珠。落玉盤。間關。鶯語。花底。滑。幽咽。泉  
流水。下灘。水泉。冷。澁絃。疑絕。疑絕。不通。聲  
暫歇。別有。幽愁。暗恨。生。此時。無聲。勝。有聲。  
銀瓶。乍破。水漿。迸。鐵騎。突出。刀鎗。鳴。曲終  
收撥。當心。劃。四絃。一聲。如裂。帛。東舟。西舫。絃  
中。無言。唯見。江心。秋月。白。沉吟。放撥。插絃  
在。蝦蟆。陵。下。住。十三。學得。琵琶。成。各屬。教  
坊。第一。部。曲。罷。曾。教。善。才。服。粧。成。每。被。秋  
娘。妬。五。陵。年。少。爭。纏。頭。一。曲。紅。綃。不。知。數  
鈿。頭。雲。篦。擊。節。碎。血色。羅。裙。翻。酒。汗。今。年  
歡。笑。復。明。年。秋。月。春。花。等。閑。度。第。走。從。軍  
阿。姨。死。暮。去。朝。來。顏。色。故。門。前。冷。落。鞍。馬  
稀。老。大。嫁。作。商。人。婦。商。人。重。利。輕。別。離。前  
月。浮。梁。買。茶。去。去。來。江。口。守。空。船。遶。船。月

明。江。水。寒。夜。深。忽。夢。少。年。事。夢。啼。粧。淚。紅  
闌。干。我。聞。琵琶。已。嘆。息。又。聞。此。語。重。唧。唧。  
同。是。天。涯。淪。落。人。相。逢。向。必。曾。相。識。我。從  
去。年。辭。帝。京。謫。居。卧。病。潯。陽。城。潯。陽。小。處  
無。音。樂。終。歲。不。聞。絲。竹。聲。住。近。盆。江。地。卑  
濕。黃。蘆。苦。竹。遶。宅。生。其。間。旦。暮。聞。何。物。杜  
鵑。啼。哭。猿。哀。鳴。春。江。花。朝。秋。月。夜。往。取  
酒。還。獨。傾。豈。無。山。歌。與。村。笛。謳。啞。朝。嘯。難  
為。聽。今。夜。聞。君。琵琶。語。如。聽。仙。樂。耳。暫。明。  
莫。辭。更。坐。彈。一。曲。為。君。翻。作。琵琶。行。感。我  
此。言。良。久。立。却。坐。促。絃。轉。急。凄。不。似  
向。前。聲。滿。座。重。聞。皆。掩。泣。就。中。泣。下。誰。最  
多。江。州。司。馬。青。衫。濕。

簡七吟

蘇。家。小。女。名。簡。上。芙蓉。花。腮。柳。葉。眼。十。坐  
把。鏡。學。點。粧。十。二。抽。針。能。繡。裳。十。三。行。坐



事調品不肯迷頭白地藏玲瓏雲髻生菜  
樣飄飄風袖薔薇香殊姿異態不可狀忽  
忽轉動如有光二月繁霜殺桃李明年欲  
嫁今年死丈人阿母勿悲啼此女不是几  
夫妻恐是天仙謫人世只合人間十三歲  
大都好物不堅牢彩雲易散琉璃脆

花非花霧非霧夜半來天明去來如春夢  
幾多時去似朝雲無覓處

醉後狂言酬贈蕭殷二協律

餘杭邑客多羈貧其間甚者蕭與殷天寒  
身上猶衣葛日高餽中未拂塵江城山寺  
惠黎庶未霑濡袴恩此時太守自慙愧重  
衣複衾有餘温因命染人與針女先製兩  
裘贈二君吳綿細軟挂布密柔如狐腋白

似雲勞將詩書投贈我如此小惠何足論  
我有大裘君未見寬廣和暖如陽春此裘  
非緇亦非纈裁以法度絮以仁刀尺鈍拙  
製未出畢亦不獨畏一身若令在郡得五  
考與君展覆杭州人

醉歌示妓人商玲瓏

罷胡琴掩秦瑟玲瓏再拜歌初畢誰道使  
君不解歌聽唱黃雞與白日黃雞催曉丑  
時鳴白日照催年酉前沒腰間紅綬繫未穩  
鏡裏朱顏看以失玲瓏玲瓏柰老何使君  
歌了汝更歌

唐書卷之十一  
白氏文集卷之十一  
五





